


The Makuilongdi Express

Liangmai Daily Newspaper

“Mazibo niu ngamne”



Energy drink company #RedBull khatdi Red Bull Formula One (F1) racing phung padbo poupiu Austrian billionaire Dietrich Mateschitz hai ndainai niu zengdiu mide. Pahai takum 78 mide chiujiu dinne.

Bollywood Actress Jacqueline Fernandez niu court ga bail khengbo tu Enforcement Directorate (ED) niu Delhi court ga suini mak cham pikhai mide. Patuhai Aditi Singh gu rangkang crore 200 khoilubo we chiujiu case file thiukhai jiu bambo we.



Zengtung 24 Chagaahiu 2022 Mennai Chiang PO Tamei ,Tamenglong Dist. Manipur Vol.01. Issue 20 Page 1

Naliuniu Kawi kamra matan bamsai, saoniu naliutu kasa kamralo? I Petor 3:13.

NSCN-IM niu Chagaahiu 21 naigu incident lamga din masan khai mide.



source: NNN

Chag. 22: Ndaanai tad mibo Chagaahiu zengtung maikai khat nai Council Headquarters (CHQ) Hebron, mung ga NSCN-IM khatdi Assam Rifles kak ga chakhon chara padkhai mibo si kakubo sat (higher level) lam su khangnia kak ga kawi thiul lan lu mide. NSCN-IM niu dinjiu, Dimapur based daily Nagaland Page ga khaipadbo characham hai maji makbo we NSCN's gu official connection kathiubo wadi bam makge chiujiu dinne. Nagaland Page ga padbo news ga dinbo, NSCN-IM niu Assam Rifles dung gu chaganmi asut lu we chiu jiu din bo si wadi maji mak bowe, sikumbo wadi haye chiujiu NSCN-IM gu tacham ga din masan khai mide.

Khengsan khaibo

Aliu “The Makuilongdi Express” thaimien niu changam kamsu lanjiu bambo jengniu aliu khuga maikum jiu takum waji kamwang mibo nai ncham tang lakbo waji bamme. Siniu chalung sajiu mathiu kheng cham khai khe. Edite thiul wang tangmakbo maksai regular thiul ngam lakbo wan bamdi mathiu kachu khaijiu patingb thengjiu kamtang lura machuang khai khelo. Koina wikhit-khit jiu khangra karam bamme.

Makimai ST status ga paliutu joukhailo chiubo khengjiu Social Welfare Minister Haikham Dingo kiga protest kamkhai mide.



TMB Imphal

Chag. 23: Tuhoi makimai Schedule Tride ga paliu tu joukhai raleng khengjiu bambo Schedule Tribe Demand Committee Manipur (STDCM) niu pui lujiu Organisation charok (6) ga su chamai riak rechania (70) kumbo wangjiu World Meitei Council (WMC), IKAL, Kanglei Econmic Development Org.(KEDO), Kanglei Indigenous Martial Arts and Cultural Society (KIMECS), Meitei Students Association (MSA), sigasu WUM gu executive members dung khatdi Schedule Tribe Demand Committee Manipur (STDCM) nidwannai Sanjenthong ga bambo Social Welfare Minister Haikham Dingo gu

official quater ki ga wang jiu sui ni makbo madu khai mide. Paliu niu wang bo ramba ra Meetei/Meitei dungtu Schedule Tribelstga jou khai ra leng khengjiu (demand) wangbo we. Siga masuang ga su di STDCM members mainiu tam-tambo organisation tu majanglu jiu MAHUD Minister Yumnam Khemchand Singh khatdi CAF&PD Minister L. Susindro ki ga wang mi bo we. Siga Minister H. Dingo niu din jiu, kasuibobam sai wanglan bo State Cabinet Meeting ga paliu gu demand si Chief Minister N.Biren Singh tu pou lujiu phungpad chap khai mi de chiujiu dinne.

Drug tiubo khangnia tu chahiu 6 leng Town Command NSCN niu house arrest kamkhai mide.

Source TT. Tamenglong

Chag.23: Tamenglong town ga drug chiubo khatdi zonjiu bambo chamai khangnia tu Tamenglong Town Command, NSCN/GPRN niu ngoujiu minlude chiujiu dinne. Minlubo kania sai Tadimang Gonmei s/o

Kiuphunang Gonmei of Ramgailuang Ward III khatdi Damthanlung Gonmei s/o Late Wikhonang Gonmei, Thiulon village, tuhoi Rigunlong Tml. District Headquater ga lung bambo kania ye chiujiu dinne.

condt. in p.2

Rishi Sunak di UK gu Prime Minister contest kamraye chiujiu senpad mide.



Source. NDTV

Chag. 23: Masuang United Kingdom gu Finance Minister thiukhai mibo Rishi Sunak haidi UK gu Prime Minister leng contest kamraye chiujiu senpad mide. Tuhoi UK ga Economics crises donniu kabuakjiu tadmibo wanga UK gu Prime Minister phungbam niubo Boris Johnson di resigned thiul mibowe. Sisai UK gu PM leng zeng su Liz Truss nai Rishi Sunak karamjiu Liz Truss niu ngamjiu naimikpui 45 ronna phungkhai lujiu resign thiulan mibowe.

Takum 42 mibo Rishi Sunak hai pachangbo ra Indian origin ne, pahai Conservative Party gasu we. Patu hai MPs 100 pasanniu machuang jiu bamme chiujiu dinne.

Karingting Lunlung



@@@Singnaapiu nang Makuilongdi ga Chagaa ra tadmah tadalaklo?

###Sitami! Tadni-ni amangkum bamboi, chiudi pa senpui niu upai hajiuh dah.

@@@Tadkhe, silengra Iniu phungpadne

Lungsabo haisi chamikniu phui makge, chiu deja lungchun niu phui ye.


Editorial

English gu kadincham ga haichiu dinbo bamme, “Everybody thinks of changing humanity, but nobody thinks of changing himself” haitu pakak-kak ga makum toubo bamme. Maikhatniu, Example ga leader khatniu changam kamkiubo wanga correction kamjiu, haichiu raboi, nagu haichiu makge, maji makge chiujiu pamun kaput, pamik kangou chiajiu bamme, chiudi maipiu khatdi wutjiu changam kamjiu mailen phui lujiu kadin bonai changam kam cham makbo bamme. Haisi aliu society ga ronna makbo thakge. Siniu leaders thiujiu bammai tu kachu khai nibora, kachiabo tu nkingmi makjiu mathiu leng wirabo tunja maranjiu khengjiu matankhai sulo. Naliugu chariu ngoumakbo genlam thoidam bamme chiubo kachu khaibowe. Liangmai zatdi maikum jiu naikhat naikhat disubo zat thiura naliu bengabamme.

Miss Northeast 2022 hai Kohima Matuingeehiu 3 nai kada raye.

Eastern Mirror Kohima
Chag.22: Wangkinbo Matuingeehiu Zengtung 3 nai Kohima Capital Cultural Hall ga raithubo thiujiu Northeast Beauty Pageant Organisation (NBPO) niu organise thiujiu ‘Miss Northeast’ kadabo tienrang hai wanchak 5pm gasu sujiu tadkiu ne chiujiu Beauty and Aesthetic Society of Nagaland (BASN) niu tachamga din madu pad mide. Haibo Mahpui (Miss) kadabo hai Northeast state 8 gasu kada sune. Mahpui doulubo leng rangkang 1.5 lakh pine, paniabo doulubo leng lakh 1 pne sigasu pasumbo doulubo leng sang 70,000 pine chiujiu dinne. Sigasu, Sub-title doulumai- Miss Photogenic, Miss Perfect 10, Miss Talent, Queen of Hearts, Miss Beautiful Skin khatdi Miss Multimedia doulou maileng rangkang 20,000 jam pine chiujiu dinne.

Paluan sumbo leng Xi Jinping tu China gu President leng kada khai lan mide.



The Indian Express

Chag.24: China gu President Xi Jinping tu Nidnai nainiu paluan sumbo leng thiujiu China gu President leng kada khai lan mide chiujiu dinne. Takum 69 mibo Xi Jinping hai Communist Party linsubo piu Mao Zedong sai paluan sum thiujiu President phungbo we chiujiu dinne. Patu hai 2012 gasu elected thiukhang bowe chiujiu thaikum hai takum kariu term lojiu takum mangiu phung khang lan sune.

Communist Party of China niu takum mangiu lungga paluan khat leng thiujiu chamai 300 tu Central Committee leng kada khaiwo we chiujiu sibo Committee niu chali jiu Political Bureau chiujiu chamai 25 tu kada lan bowe, chiu lujiu sibo Political Bureau niu Standing Committee chiujiu chamai khang 7 tu kada khai lujiu sibo Standing Committee niu Xi Jinping tu paluan sum thiujiu President leng kada khai bowe chiujiu dinne.

Drug tiubo khangnia tu chahiu 6 leng Town Command NSCN.....

condt. from p.1.

Minlubo khangnia tuhai Town Command NSCN/ GPRN niu dinkasuibo khatdi tien kasuibo tien khai mide sigasu panai tuhai chahiu charuok leng thiujiu house arrest ga khai mide chiujiu dinne. Chiujiu chahiu 6 lungga panai hai kama padsui makge wakhatjiu palenlam padne biti raijiu kasuibo kheng lujiu pad raye, wakhadjiu panainiu haibok ladrian

tu phungkenjiu tasai panai ronna parid luraye chiujiu Tamenglong Town Command gu commander Major Majat niu chamtan pikhai mide.

Tuhoi drug zonbo maksai tiujiu bambo hai chabonmai ringting waji kam masajiu bambowe, haisi tu mai hinang aruang lujiu khamra karam khe chiujiu Town Command lamsu sisan khai mide.

LIANGLAD RAORA SIOLEN KHAIBO....

Ndanaigu padon

Source: LLS (M) Liangmai Orthography Guideline, 2022

- (1) lenn ‘fly’ len ‘show’ lenh ‘spread disease’. Example phuisanbo- paa ‘read’; pa ‘collaspe’ pah ‘he/she’.
 - (2) chalii ‘tongue’; chali ‘business’; chalih ‘pot’.
 - (3) khengg ‘ask’; kheng ‘tie’; khengh ‘endure’.
- Tone haisi kakeng ga ra pakhai bam, maksai pagu context saisuijiu, tone mark kam makdi si luwe. Chiudi mark kam maksai sikung sune kachiubo bam ga pari ga siolen khai bo zai si piu ra kamlo. Summary:
- High tone - doubling of the last letter of a word, e.g. lenn ‘fly’
- Mid tone - nil (no extra marking), e.g. len ‘show’
- Low tone - insertion of the symbol ‘h’ at the end of a word (coda position), e.g. lenh ‘spread (disease, etc)’.

Makimai dungniu ST leng khengbo tu ATSUM niu luni makge.

STDCM (Schedule Tribe Demand Committee Manipur) niu ST status kheng bo tu ATSUM (All Tribal Student Union Manipur) dung niu sui ni mak bo lam ga madu pad khai ye. ATSUM dung niu HAC (Hill Area Committee) dung tu wi ra bo jai ga kam khai lo chiu jiu kheng khai mide. Hill Area Committee gu Chairman Dinganglung khuga ATSUM niu memorandum pijiu Makimai (Meetei/Meitei) dung ra nda poupe ken gasu niu di advance thiu kamibo jati khat le. Paliu ladlui di 8 schedule gadi India gu constitution niu recognised thiu kamibo jat le sigasu tamtam bo compitetive exam ga di paliu ra advance thiu mi bo ye. Haijiu ga advance thiu mi bo jat khat niu ST status doulan mi sai aliu leng pasai lung kung diang diang mi su ne chiu jiu ATSUM dung niu sui ni mak jiu din ne.

Mathen Cham



Newcastle club hai English Premier League ga tuhoi top four ga khangjiu bamme. Ndanai Tottenham nai mathenjiu 2-1 gasu Newcastle niu Tottenham tu ngamkhai mide.



Thaimien India ga U-17 Women’s World Cup mathen kiujiu bambo ga ndaanai DY Patil Stadium in Navi Mumbai ga mathenjiu Germany niu Brazil tu 2-0 ga ngam khaijiu semifinals ga ngut mide. Nigeria di USA tu penalty gasu ngamjiu semifinals ga khangjiu bambo we.